



Alluo bioscht all

(ASP051-09.10.1991)



Alluo bioscht all, as hioft dor kuonna,
wenn d' eapan bruchscht, wo lostit zuo.

As losat kuon, i säg, nid uonna;
wenn d' eapan bruchscht, bioscht all alluo.


Kascht uf dä sealb dä blös vorloh,
und würscht all meh dien Miottolpunkt,
wit blös uf oagna Füoßo stoh;
würscht Egoischt, wio-n-as mä dunkt.

Wenn d' muonscht, du häiischt eapan gfuno,
deam künnischt s' ganz Vortrouo schänko,
ar häi an Husvorstand an gsundo;
jo hettischt gearn, jo muonscht, kascht dänko.

Heascht diem Vortrouo erscht vortrouo,
heascht, belscht a klä Zit ommä ischt,
dien engscht Vortrouo ou durschout:
ar ischt wio du - an Egoischt.



(ASP/051-9.10.91)



wo d' stohscht

(ASP052-08.06.1991)



Ob uonna sèi an ganza Ma,
mit deam ma Rössor steohlo ka,
ob säga kascht, ar trieb do Sport,
ob uonna stand zum giono Wort;
as kut drufa, wio d'zuo-n-om stohscht,
mit sienor Muonung uonig goscht.

Ob uonnä sèi as wio sä 's ghört,
ob was und wio sä tuot uos stört,
ob uonnä d' Gobo reacht arzücht,
ob d' Lüt sä sucht, ob d'Lüt sä flücht;
as kut drufa, wio d'zuo-n-or stohscht,
mit ihror Muonung uonig goscht.

Ob eappar wüoscht ischt odr schüo,
ob eappar rief ischt odr grüo,
ob eappar load ischt odr frëi,
ob eappar mäischtens ehrlä sèi;
as kut drufa, wio d'zuo-n-om stohscht
und wio-n-ar ischt, ion geolto loscht.



an Schopo

(ASP053-14.09.1991)



Im Modägschäft arschinnt an Ma
an Schopo möcht ar, wo-n-om stand,
as luogat d' Ladnarä ion a;
und dänkt dobëi glei allarhand:

An Ma aluo, dänkt sie sä still,
ganz ohnä s'Wieb, am morgo früoh,
der woafst, so dänkt sä, was ar will:
an Schopo, guot und frëi und schüo.

Wenn s'Wieb dobëi wär, kascht druf go,
dänn müößtischt anderscht dänko,
am Schopo müößt Rabatt dra stoh,
ma müößt-or-on fascht schänko.

Und wenn do Ma a Häß a hett,
wo grumpflat und vorbudlat,
dänn macht it d' Ladnarä a Wett,
daß der bim Koufo hudlat.

Heat er an Schopo abor - glatt,
frisch böglat und mit türa Knöpfo,
wo zoaga will - wer hat der hat -
dänn muoß Vordocht sä schöpfo.


Und wenn do Schopo anom hänkt,
viel z'witt und lottrig om-o Buch,
dänn kascht druf go, daß sä sä dänkt,
bi deamm ischt iotz gad s'Faschta Bruch.

Wenn uonna Buch uezücht, nid schleacht
a Schöplä trëit, sa eng und bschnotto,
dänn dänkt d'Vorköüfarä mit reacht,
a so an Hogo ghört vorbotto.

Wenn uonna kut, sie woäßt glei Bschoad,
a Ladnarä woäßt alle zum Dütto
und däs aluo am Häß von Lütto.
I tuor mor dromm a jedsmol load,



(ASP/053-14.9.91)



mi Wieb

(ASPO54-01.11.1991)



I ka 's öü säga, losand no,
dänn künnonnd-or ou 's Glück vorstoh.
daß jeda uf die Oago schwört,
will jeda dio heat, wo n-om ghört.

A so a Wieb, aso wio mienä
dio ischt die Bescht, bigopolienä...
I güb jo sus mien Fehler zuo,
Wenn jedä däs tät, güb as z' to.

I muß os zuogio, muß-os gschtoh
kon Fehler kascht a miro fiondo
dromm laß-ä nünt über sä gôh,
und muß-ä mä ou überwiondo.

Sie kochat wia an Hubokoch,
vorwöhnt mä all Täg, noch und noch,
sie tuot s'reocht Fläschlä Wie an Tisch,
das rot zum Broto, s' wiefß zum Fisch.

Sie bacht do bescto Marmorkuocho,
an Gugelhupf, so uon kascht suocho,
und erscht am Klosotag Molschëro,
mi Wieb, des künt öü Moros lehro.

Sie ischt sa huslä, macht im Lado,
all Priesvogliech und nid zum Schado,

sie kouft ko Glump, sie kennt sä us,
heat all däs was ma brucht im Hus.

Sie sëit do Gobo was sä ghört,
sie redat ihna ghörig zuo
lot ihna trotdäm Spielraum gnuo
Und sëit "mir" alltäg was sä stöhrt.

Sie schuonat s'Auto, fahrt nid z'viel,
sie spärat s'Geald am Telefon,
tuot d'Arbat wio im Kiondorgschpiel
und kumidiert do Schwiegorsohn.

Sie red't do Moatla nid z'viel dri
und spannt, wenn s' goht, do Buobo-n-i
sie ka 's guot mit dom Enkolkiend
sie woaßt wo allä Yörtol siond,

Sie woaßt was guot dor Gsundheit tuot.
Sie bockat kaum, ischt all glei guot.
Sie sieht mor, vor ä dänko ma,
a jedon Wusch an Ougo-n-a.

I allom reacht tuo, so wio mienä,
i wüschtit jedom, so wär sienä.
Mit miero wär ar us und drus
So fehlarlos ... däs haltscht nid us.

I bio dromm froh, daß i sä hio,
i ka öü gär nid säga wio.
Min Rot: Bios froh om dienä Frou,
will wenn d'nid froh bischt, heascht sä ou.



bio-n-i froh

(ASPO55-24.11.1991)

Bio-n-i froh, wenn do Wiontor kut,
do Wiontor blogat mi kon tut.
Wenn erscht vom Himmol fallond Flocka
dänn lot sä 's frëi am Ofo hocka.

Blös mienä werchat, küntischt lacha,
so söll sä wercha, loß sä macha ...
wenn sä ghörig uf mä luogat
und wenn sä d' Auto-lefahrt pfluogat!


I, dänk-ä mor högschtons still dobëi,
hei Wiontor, bioscht iotz bald vorbeï?

Bio-n-i froh, wenn do Früoling kut,
i juz und schlüf fascht us-or Hut,
wenn schmelzt dar letscht Rescht Schnee an Rüono,
an Früoling git 's, an wundorschüono.

Blös mienä werchat, küntischt lacha,
so söll sä wercha, loß sä macha,
was söll ä sä am Butza wehro,
dänn söll sä halt 's ganz Hus ommkehro.

I, dänk-ä mor högschtons still dobëi,
hei Früoling, bioscht iotz bald vorbeï?

Bio-n-i froh, wenn do Summor kut,



i'r Husbündt d' Vögile

(ASPO56-14.06.1992)



I'r Husbündt uf-om großo Bomm
do höckland etlä Mööslä domm.
Sie müond sä mämmol orndtlä strecko,
sie schnabland, bickond, lond sä's schmecko,
i großa Menga, ganzä Zurna
as ischt mor, wio bim Wieborturna

I'r Husbündt uf-om alto Bomm
do hockand frachä Saptzo domm.
Sie juckond ommar, uf und ab:
sie wartand nid erscht ub a Gab,
bedionand selab sä akurat.
I gloub dio schaffand für-o Staat.

I'r Husbündt uf-om Biorobomm
do setzond fettä Staro domm.
Sie siond halt sie, und sus ischt niomig;
wer ischt dänn däna scho döt dionig.
Wer Star ischt woäßt däs selb am beschto.
Heat ou nid all a wießä Weschto

I'r Husbündt uf-om Zweaschgobomm
vorsteckt sä gär an Guggar domm.
Ischt geschloffo i-m-a fröndo Neascht,
wenn d' stirkor bioscht, meh z'freaßo heascht.
As frogagt, wenn d'lut gugga mascht,
di niomig, was d' doneobot kascht.

I'r Husbündt uf-om Öpfolbomm
behauptat sä an Gimpol domm.
Ar blost sä ghörig uf vor siero,
und will ou andra imponiero.
Er heat an gschwollna, rota Kropf
Vor lutor Wieblä blös im Kopf.

I'r Husbündt uf-om schiofo Bomm
do höckland etlä Zieslä domm.
As singt uos schüönnor as das andor,
a Chörlä head sä mitanandor.
Kultur, dio lot uos viel vergeaßo;
aluo vom Singo heascht nid gfreaßo.
I'r Husbündt uf-om fuhlo Bomm
an Bommbiokar hörscht klocka domm.
Ar bickt wio näscht, suocht Würm und Mada
wo küntond undro 'r Riondo schada.
Für 's Wieb und d'Gobo flügond d'Schpä,
Dear Depp, der mahnat mä a d'Mä.

I'r Husbündt uf-om Döoglar-Bomm
ischt z'uommol hunn, glei wiedor domm
an Kleibar, schneal und fling und glänk,
stoht uf-om Kopf, ar tuot kon Dänk.
Heat z'tuo do ganzo Tag gad gnuo.
as ischt mor, wio bi üs dahuo.

I'r Husbündt uf-om högschto Bomm
singt z'Obot lut a-n-Amsol domm.
Kennt d'Gfohra und heat d'Üborsicht,
Sin Ruof heat ou bi-n-andra Gwicht.

Sie heat für s' Weattor gär a Gschpür
Und ka, wio d'Lüt, gär nid dofür.

I'r Stubo übröm Gummi-Bomm
hängt johrwies scho an Kefig omm.
Kanarävögol hämmor zwio,
wo trillorand, amend dänn wio,
heand z'fraßo quot und all gnuo z's-sufo;
sie bruchond nidamol do Hufo.
Blös iegschpert siond sä hür wio fearn.

Heand 's gad wiod' Lüt, heand 's gad no gearn.
Ma leabat ou, uf dännä Wies,
s' Bequemhio, heat halt ou sin Pries.
Viel kümond ohnä Kefig omm
und bruchond dromm do Gummi-Bomm.





gang ommä, blieb hionig

(ASP057-01.07.1991)



Wenn d' über an gotzigo,
waggligo Steog
muoscht, über an Abgrund
uf zoachnatom Weag,

wenn d' drundort i'r Tüfä
die strüllig, schwarz Bioscht,
die tosig, rumorig,
meh ahnascht as d'sioscht,

wenn moosig und hähl siond die
halbfuhlo 'Dillo,
und zämmonio muoscht allo
Muot, allo Willo !

Bliebscht hionig, soblieb hoafst ma
dä feig no am End.
Gang ommä, Blieb hionig,
du heascht 's seal in Händ.

Blös luog sä guot a z'erscht,
die lotorig Brugg,
as künt si, wenn d'ommä gohscht,
muoscht wedor zrug.

So nüochtor darscht nio si und
gär nio so bsoffo,
daß d' sealbor dor lüßischt do
Ruckweag nid offo.





Du heascht Fähler, i hio kunnä !

Mit dearo miero Reochnung, muonn ä,

kuscht ou du uf d' Fähler druf.

Was muonscht, wio goht d' Reochnung uf ?



(ASP/059-21.12.91)